



Fehoahoaniga Tau Tupe Ke Totogi Ai Nā Fale Kua Hē Mafai Ke Totogi (Rent Arrears Assistance)

Kāfai ia koe kua i he tūlaga kā toe kave ai tō fale ona kua hē kē mafaia oi totogi te tupe e tatau ke totogi ai he fale, e mata maua e koe te Fehoahoaniga Tau Tupe Ke Totogi Ai Nā Fale Kua Hē Mafai Ke Totogi.

- E hē vēake e tatau ke i ei hau penefiti e ke maua ai e koe te fohoahoaniga tēnei.
- E fuafua lava ki te tūlaga o au tupe maua ma aumea tōtino.
- Ko te tupe e maua e totogi kātoa te aofaki e manakomia i he taimi fokotahi.
- E tatau ke toe totogi te tupe tēnei.

Ko ai te mafai ke maua he Fehoahoaniga Tau Tupe Ke Totogi Ai Nā Fale Kua Hē Mafai Ke Totogi?

E mata mafai e koe oi maua he Fehoahoaniga Tau Tupe Ke Totogi Ai Nā Fale Kua Hē Mafai Ke Totogi kāfai koe e:

- i ei he tupe e hēki totogia ki te fale e tatau ona totogi e koe
 - mata tulikehe ma te fale ona ko koe e hēki totogia tau tupe e tatau ke totogi ki te fale mafai oi nofo i te fale kāfai e totogi e koe te tupe e hēki totogia ki te fale.
- Mo he fakatakitakiga:
- ko nā tukutukuga ke nofo ai koe i te fale e hēki tali pā ki te taimi e uma ai
 - e nafatia e koe oi totogi pea te tupe e tatau ke totogi ai te fale.
- na haini he māliliega ke nofo koe i te fale (tenancy agreement) (pe ko koe he tino e nofo i te fale ona ko he fakatonuga i lalo o te Tūlāfono o Fakahauā o Kāiga -Family Violence Act order).

E tatau foki koe ona:

- 16 o tauhaga pe matua atu
- E nofo i NiuHila ma fuafua ke nofo pea i kinei
- pe:

- he hitiheni NiuHila, pe
- ko he tino nofo tūmau kua hilia atu i te lua tauhaga e nofo ai i NiuHila pe
- e i ei haupenefiti māhani, vēia ko te fehoahoaniga hakili gāluega (Jobseeker Support).

E fuafua foki lava ki te tūlaga o au tupe maua ma nā mea tōtino.

Ko ni ā nā mea e mafai ke maua e koe

Ko te lahi o te tupe e maua e koe e fuafua lava ki te lahi o te tupe totogi ki te fale e nofo kaitālafu ai koe. Ko te lahiga o te tupe e mafai ke maua e koe e \$4,000.00 ma e tatau ke toe totogi mai te tupe tēnei.

E mafai oiotikē maua e koe te tupe tēnei fakafokotahi i loto o te 12 māhina, vaganā ai ni tūlaga kehe fakapitoa e i ei.

Kāfai e pāhia tau talohaga mō he fehoahoaniga tau tupe ke totogi ai na fale kua hē mafai ke totogi, e māhani lava kimātou oi totogi te tupe ke totogi ai nā fale kua hē mafai ke totogi ki te tino e ō ia te fale (landlord).

Vēhea ona fai he talohaga (pe fai he apalai)

- Telefoni mai ki mātou i te nūmela 0800 559 009
- Kāfai e maua hau Hupa NiuHila (NZ Super) pe ko te Penihione Fitafita i te Taua (Veteran's Pension) telefoni te nūmela 0800 552 002
- Kāfai e maua hau alauni tamaiti āoga (Student Allowance) pe he kaitalafu mea āoga (Student Loan), telefoni te StudyLink i te nūmela 0800 88 99 00.

Ka talanoa ki tātou ki te tūlaga ō koe ma fai he taimi fakapitoa ke fai ai hau apalai.

Mo ni iētahi fakamatalaga

www.workandincome.govt.nz/rentarrears